





大同府志卷之三十一

大同府知府吳輔宏纂輯

藝文

五言律

唐 度東徑嶺

武元衡

又過鴈門北不勝南客悲  
三邊上巖見雙淚望鄉垂  
暮角雲中戍殘陽天際旗  
更看飛白羽朔馬在封陞

塞上逢盧仝

劉 义

直到桑乾北逢君夜不眠  
上樓腰脚健懷土眼睛穿  
斗柄寒垂地河流凍徹天  
羈魂泣相向何事有詩篇

別家後次飛狐西卽事

馬戴

遠歸從此別親愛  
失天涯去國頻廻首  
方秋不在家  
鳴蜩聞塞路  
冷鴈背龍沙  
西次桑乾曲  
洲中見荻花

雲朔逢山友

張蠡

會面却生疑  
居然似夢歸  
塞深行客少  
象遠識人稀  
戰馬依山牧  
驚禽戍箭飛  
將軍雖異禮  
難便脫麻衣

代北言懷

喻坦之

困馬榆關北  
那堪落景催  
路行沙不絕  
風與雪兼來  
草得春猶白  
鴻侵夏始廻  
行人莫遽入  
戍角有餘哀

登單于臺

李士元



悔上層樓望翻成極目愁路沿蔥嶺去河背玉關流馬散  
眠沙積兵閑倚戍樓殘陽三會角吹白旅人頭

宋

李牧

司馬光

椎牛饗壯士拔距養奇才塞馬方驚避秦金已闌來旌旗  
移幕耐荆棘蔓叢臺部曲依稀在猶能話郭開

金

送張安中還雲中

孫益

相送還相送臨分手重分驂驪欣得路鴻鴈惜離羣木落  
黃華露城低紫塞雲中秋月正好千里謾思君

贈雲中劉巨濟

師拓

雲廓乾坤迥霜催草樹殘風聲秋晚急月色夜深寒綠綺

音誰會青霄氣自干那知燕市裏把酒得交驩

應州廟學釋奠

曹之謙

夜色齋廚肅秋風殿宇清右文逢聖代備禮引諸生牢醴  
嚴三獻豆籩陳兩楹祭餘同飲福旭日樹頭明

元

過雲中

李俊民

把酒不成醉出門行路難客愁千里破歸夢五更殘三仕  
有何喜一生常鮮歡恨無南去鴈爲我報平安

明

早發興和

金幼孜

未曉戒嚴程鳴弓度塞城川雲隨地起野火雜星明虎旅  
忘笳動鑿旗傍蹕行草青沙路軟渾覺馬蹄輕

雲中九月八日同張年兄宇川登高 韓邦靖

佳節來朝是邊寒花未開愁心看極塞鄉思上高臺對酒  
霜笳咽當歌白鴈來天涯難會面風雨復相催

過鎗風嶺

黎民表

沙泥岬兩圻細路轉堪憎去馬衝風色征衣掛石棱疲兵  
時偃臥古堠更陵乘賴有銷愁地雲中岳色層

宿瑞雲寺三首

王濬初

樹挂天邊月池涵水底星孤燈懸石壁一客臥虛庭根器  
誰能悟皈依佛有靈朝來聞梵唄記是法華經

斗絕登危巘雲開現化城幽棲憐地僻小憩覺塵輕樹影

千章密茶烟一縷清虛堂僧入定萬籟寂無聲

秋色歸何處招提迫出塵梵雲天際杳花雨望中新說法  
逢開士談詩有悟人前生愧摩詰錯認宰官身

病中登恒岳

前人

病裏籃輿出山行路渺茫雨餘溪水漲風過莖雲涼殿迥  
青霄近林深碧漢長朝真壇上月空翠落天香

夜宿會仙府

前人

縹緲神仙宅何年集上真星辰留劍佩霞彩象冠紳洞月  
窺人老山花對客新孱夫惟急病丹鼎問頻頻

塞上吟二首

翟鵬

落落關山曉蕭蕭朔漠秋大軍閑虎隊元帥擁貂裘雲塞  
寒初動冰河咽不流沙場雄萬里殊勝酒泉遊

五原人未回傳在黑山隈鴈自龍堆過軍從虎峪來蒙恬  
多將畧魏尚有邊才古昔垂芳烈予懷亦壯哉

塞上喜秋稔

前人

雷嶂稱天險霓旌滿路光驛通三晉遠城鎖五原長雞田  
飛雪冷燕麥引風香邊事封初定家家泛羽觴

山川圍塞上鼓角出雲中歲練軍皆壯秋成穀自豐征人  
頻醉月戍馬漫嘶風秋徼餘康阜溥沓作釣翁

尋獨覺廢寺

劉餘澤

披草問招提荒荒日欲西豈緣成獨覺應是度羣迷殿圯  
餘碑蘚僧貧共野壟人天從證果去馬意悽悽

登恒山

汪承爵

雲中天下脊尤見此山尊八水俱南匯羣峯盡北蹲僊臺  
臨日迺風窟護雲屯剩有搜奇興空憐前路昏

望懸空寺

前人

剗石成香地憑虛結構工梵宮依碧巘棧閣俯丹楓濤壯  
磁審雨僧寒谷口風躋攀真不易遙望意無窮

新平

魏大本

旗掩黃雲暗弓彎白日斜健兒鳴社鼓穉子奏霜笳野味

榆生肉盤食，蕨吐芽尊前。歌出塞，豪興滿龍沙。

瓦窖溝

前人

匹馬雲中路，經旬迄未停。空山人不住，險道客偏經。雪點蒼崖白，冰凝赤磧青。天寒風刺面，何處覓郵亭。

仲秋坐崇國禪寺

郭子直

蒼茫關外路，秋半已寒生。樹樹見霜色，山山聞水聲。數家茅結市，一旅石爲營。向晚霜笳起，偏驚逐客情。

過桑乾有感

前人

晚度桑乾水，偏令百感生。一官慚禮樂，萬里客幽并。木落聞霜笛，雲開見戍城。不須愁出塞，熄燧罷鳴鉦。

許村古寺阻雨

楊述程

曉行山下路風雨忽蕭疎幸有空王寺堪畱勝客車水侵  
苔徑滑雲去草堂虛入定僧無語禪機似告予

國朝  
晚行過白登

魏象樞

泛泛漚車暮搖搖北鴈過沙吹邊草急樓鎖戍雲多好夢  
歸楊柳鄉心隱薜蘿千年遺漢蹟一夜轉悲歌

綉女村

前人

若箇春閨艷孤邨得命名人家春樹杪石路曉山平凍水  
攀雲宿荒苗背雪生饒多兒女態兀坐不勝情



謝二首

朱彝尊

可怪乘船客今朝墮馬來半人宣武笑長路步兵哀地主  
逢傾蓋天涯獨愛才淹留憐逆旅相餉竹根杯  
果見軒車至倉黃啟夕扉亦知寬禮數強起著裳衣涕淚  
餘生在形容此日非遐方堅臥轍猶得藉光輝

雲中客舍曹武備白津門以筐蟹銀魚見寄賦謝二

首

前人

千里三沽使傾筐異味傳霜螯初入手臘月更須憐重馬  
愁關吏香秔憶野田江鄉好風物罷酒數歸年

水族殊鄉至明燈夜不孤雪花寒意減玉盃近看無反厭

流匙滑宜將剩酒沽遙憐垂釣客白首向江湖

食半翅

前人

味合添雜筍羹宜配凍醪登盤人未識入肆價須高且緩  
思鴉炙全勝食雉膏莫愁嘗易盡應爲戒貪饕

人

白登遺蹟

徐化溥

平城事已矣霸跡總蕭條落日平沙淺西風古木搖共知  
孤注險漫道六奇高千古青山舊長歌破寂寥

覺山井

前人

四面供巖翠一湫湧地靈何來僧錫杖誰止月澄潭素石  
涵秋鑑碧欄映太清此山名覺者一汲悟常惺

銀釵嶺

前人

可憐經過處不比脫簪行妖冶偏多態委佗故墮粧翠鈿  
朝露冷細草暮雲黃莫訝埋香徑蘭膏已作荒

秋暮擬送別馮訥生暫歸鴈門二首 前人

澹爾騷壇外居然古典刑不矜學是海非以說爲鈴愛靜  
茶烟綠讀書藜杖青汾河當日業歸且證元經

我將香一瓣誰與古爲徒子佩尊高喆先生飲大巫笑言  
崇矩獲衣履薄紈繡芸閣虛窻月冲然道自腴

題張氏所鑿石渠

前人

一水巨靈搃五丁肇劃流揮鞭驅石馬撥甲挽金牛莎濕

林臯茂旣高灌溉優開渠千載利奕世食先疇

望雲門山

丁大年

浮空開野望冉冉山之眉  
巖重青螺脊風高石燕遲  
吳門曳遠練楚嶠媚幽姿  
莫笑山容野朝朝著接籬

喜雨侍修制府集飲北臺二首

胡文燦

雨意餘堪賞登臺望野塲  
芊眠原上草五兩隴頭風  
共樂偕髦士先憂切范公  
高枝布穀唱佐酒話年豐

靉靄千峯潤蒙茸四野青  
新鶯啼晚樹好鳥澤疏翎  
載道民歌渥興言信祝零  
酒籌聊一借不厭子蘇亭

遊石窟寺

前人

西林天竺跡春日上方遊片石三千界微塵四部洲香花  
金粟現鐘磬白雲悠法海知能渡何緣彼岸舟

遊石窟寺和韻

陳禹謨

靈巖第一境夙願幾多遊莖草黃金刹層雲白鷺洲雨翻  
花石動月印海波悠億萬恒河筏婆心渡鐵舟

胡郡伯修尊經閣成恭賦

潘斗

一振疑千仞凭欄四望賒千螺浮碧岫百雉引丹霞象接  
圖書府藜分太乙葩魯侯時戾止芹藻盼光華

遊華嚴寺

馮雲驥

散步入招提茸茸碧草齊初春寒未減舊雪踏成泥河抱

龍沙曲山銜雉堞低梵聲聽未已殘日下林西

登應州佛宮寺塔三首

前人

古木層層起嵯峨亦壯哉登臨望不極千里白雲來風雨  
遊遐塞松杉結古臺題詩霄漢上彩筆倚徘徊

天若簷前出人同象外過川光迎旭散秋色傍城多獨立  
增幽感竒懷發浩歌年來憑弔意今古復如何

玉磴朱輪直銀沙碧漢斜星宮聞夜梵月殿拂仙華塞堞  
千年曲恒山一點遐舊遊如可望蓬島是吾家

雲中雜詩

俞汝言

蘇武臺安在昭君墓若何垣非秦紫塞堡近古黃河邊靖

笳吟少鋒銷牧地多當時歌舞麗檀板雜瑠戈

大同道中

沈用濟

千嶺朝陰嶽三城控大同雲形隨列嶂山響應瑠弓馬踏  
黃河雪鷹呼白草風飛狐那用塞天險古來通

趙武靈王墓

何士震

霸業今安在蒼涼未忍看風傳馳射獵豈是葬衣冠血食  
叢臺古陵泉漉水寒一杯秋草沒昔與植雙桓

圯地嶺卽景同棹刺史作

顧學潮

不辨東西路行行又一村黍頭低雨氣山意澹秋痕曹子  
千金禱莊生五石樽連鑣歸去晚好共月黃昏

次顧明府卽景韻

桂敬順

繞澗諸峯合空明  
見遠村風寒秋樹影  
日澹午烟痕薄  
宮仍如客懼逢  
且倒樽尊華歌  
晚歸路集鴉昏

登渾源城樓

朱大章

何處寫離愁  
孤城獨上樓  
探明千嶺雪  
檐壓九邊秋  
代馬奔騰健  
關雲日夜浮  
從來名勝地  
渾水自西流

金閭官舍話雲中

高麟瑞

故關臨故國  
直北古雲州  
恒嶽千峯障  
桑乾一水流  
碑多唐歲月  
山有魏陵邱  
若訪明妃跡  
年年青草愁

行次山陰官占

前人



行行陰館次風過捲黃沙烟暖鹽增竈春寒雪散花羽書  
勤馬策征賦輓牛車惆悵桑乾水東流日影斜

送郎地山學博之任大同

王奇士

千里一儒官恒州路復難隆冬馳朔漠落日渡桑乾絕塞  
行人少雄關立馬看春風函丈起邊地不知寒

龍泉關

吳麟

不到恆山頂安知別洞天叢祠仙樹合怪石古藤穿鐘度  
一溪月龍嘘雙井泉酌來忘世味渾欲臥蒼烟

東關華嚴寺

前人

偶入招提境香臺縱目餘平林低結翠飛閣迥凌虛白社

仍携酒黃庭好注書老僧無箇事綠野帶雲鋤

懸齋春暇援琴而操之謾成一律 前人

獨坐西軒下悠然景色清心閒諸籟寂花午一琴橫敢謂

絃歌化聊怡山水情忘機春晝永檐鳥弄新晴

恒山十八景 張開東

不知恒岳在一徑杳冥冥遠水翻元谷磁峯鎖翠屏人依

雲作履路轉石為屐愴恍殊難測行行且復停 步雲路

孤亭不可識空翠落寒聲雪磴風微掃冰橋水暗鳴山危

縑石瘦樹老倚雲橫十里肩輿望崎嶇尚未平 聚雪亭

峭壁如屏幃懸空不著根峽迴雲臥榻天迥月窺門佛影

浮苔色鐘聲落水狻山僧真自在空外老祇園

懸空寺

山腰平敞處却指望仙臺紫氣眉間出青雲足下來空堂  
常窈窕幽徑且徘徊從此升蓬島飄然更不回

望仙臺

誰來聞虎嘯到此却驚風澗暝千年鶴巖懸百丈虹孤松  
無地立絕壑與天通不用肩輿力憑空指上宮

虎風口

竟入孤菴裏嶽崎未可攀纔能窺嶽頂已自隔塵寰棘苑  
圍蒼樹苔階點翠斑人傳魏道士去此不知還

得一菴

拄杖看東嶺迢迢拄夕陽崖虛含五色落帶餘光倒影  
銜懸壁歸雲落下方不知人世內烟水已茫茫

夕陽巖

紫霞飛不盡何處覓元君泉漱明珠佩風飄白練裙芳祠

朗皓月古殿宿寒雲日夕鳴鐘磬依稀洞裏聞

紫霞洞

滉漭涵空碧虛亭有二泉屈伸元帝命甘苦道人傳屯澤

非關嶽爲霖亦在淵至今觀井榭颯颯起雲烟

元武井

雲去堂仍白雲來山復青山雲無定態堂壁總空靈棧結

盤成徑巖穿罅照庭洞宮棲息靜萬籟一虛聽

白雲堂

灑灑通元氣乾坤奠此宮地凝千歲雪天散九霄風正位

陰陽谷移封造化同

聖朝釐祀典赫奕仰無窮

元靈宮

北嶽東巖頂石脂五色圖草烟分錯落松蔭雜虛無晚日

光搖炫春花錦砌鋪襄陽笑米芾拜倒不須扶

石脂圖

振衣于仞上茲臺亦有名風牽衣袖入雲觸杖頭行仙洞

層巒迥恒河一帶明憑高吟眺罷謾謾舞松聲

振衣臺

聞道紫芝好長鑿試往尋氣占林壑外香出水雲深老樹

盤根雪空山落葉陰神英十九種爭說到於今

紫芝峪

恒山張果老唐賜號通元入峪人空去騎驢跡杳然白頭

終有日丹鼎是何年我欲乘槎望逍遙列上仙

通元峪

碁局尋常見琴音却杳無清風松引和素月鶴來呼二女

容何妙孤桐韻欲枯爲憐山下客碌碌老塵途

琴碁臺

仙座臨無地天峯獨自尊空心懸海島遠脉落崑崙八洞

爭先赴羣鸞喜共屯重霄笙鶴會峭壁待吾捫

集仙洞

華嶽青蓮語恒山太白祠相隨俱有跡那得竟無詩八極

真神表千秋豈夢思殘碑銷滅盡應有再來時

太白廟

宿聚落驛

前人

月暗山光寂天寒樹色遙疲車鳴石礪倦馬踏冰橋戍火  
燈迎戶墟烟酒滿瓢官亭俱有備晚興倍清饒

宿山陰城

前人

廣武東來路平原夕照明雲中間數鴈天外見孤城客倦  
風初定官閒酒易傾最憐圓月好相伴有餘情

過懸空寺

鄧贊清

削壁成初地孤高綴半山風寒谷口樹雨暗磁窰灣月窟  
樓三面雲根殿數間匆匆策馬去輪却老僧閒

曲廻寺和賈之鳳碑原韻

鄧克邵

溪繞曲廻寺山陰入殿斜秋光凝白露日色映紅霞雲外  
看飛錫堂前聽法華桃源迷舊路携手問僧家

僧傳竹猗明府之官應州寓淨土寺四首楊謨

僧舍爲官廨堦除草不刪無多退食地不住叩扉關嬌鳥  
愴幽意長松足古斑月明鐘定後萬籟與俱閒

聞俗勤耕稼田疇不種花城中多佛寺郊外少人家僧老  
頻扶杖官清早放衙我來仍是客蕭散思無涯

高閣藏經處莊嚴象教雄佛言無著是師說萬緣空時發  
松間磬俄聞爨後桐清音兩不雜金碧耀瞳矐

淨土何年建流傳幾劫劫灰曇花空講座貝葉失經臺乍可  
仙鳥憇奚曾蓮社開只應方外侶樓息白雲隈

題口泉圖

朱建豐

課叨過山家招邀玩物華泉飛風撲絮花暖樹韜霞愛好  
從携酒真堪細品茶耽幽歸騎晚新月印汀沙

旅懷

俞洎

浪跡向萍梗翻添出塞悲舊欽蘇武節重讀李陵碑白鴈  
傳書迺霜笳入夢遲旅懷正無賴莫唱鷓鴣詞

黃烈婦祠

前人

一劍青衣血千秋烈婦名心懸秋日皎節凜曉霜清正氣



留臧獲泰山重死生至今風雨夜淒愴恨欲吞聲

雲中道上

文光

奉命雲中守恩深未易酬兒音苦竹為馬父老杖扶鳩

游牧皆安堵擁邊罷戍樓自慙循吏政不敢戀遨頭

桑乾渡

前人

源發金龍水支流滙七泉荒雲迷渡口落葉滿晴川影瀉

長天碧秋澄素月圓願言勤疏濬留利灌民田

七言律

唐

塞上

黃滔

塞門關外日光微角吹單于鴈駐飛衝水路從冰解斷踰

大同府志 卷之三  
城人到月明歸燕山臘雪銷金甲秦苑秋風脆錦衣欲弔  
昭君倍惆悵漢家甥舅竟相違

贈別前蔚州契苾使君

李商隱

何年部落到陰陵奕世勤王國史稱夜掩牙旗千帳雪朝  
飛羽騎一河冰兒童襁負來青塚士女壺漿出白登日晚  
鵬鴉泉畔獵路人遙識郅都鷹

金  
遊龍山

章宗

慘嗟雲影幾千重高出塵寰迥不同金色界中與翠境碧  
蓮花裏梵王宮鶴驚秋露三更月虎嘯疏林萬壑風試拂  
花箋爲覓句詩成自適任非功

過渾源畱別田仲祥同知節使

朱自牧

金臺前夢杳無蹤一阻雲山莫計重  
雙鯉附書常不達兩萍浮海偶相逢  
燕南落日車分轍代北春風酒滿鍾  
明日去畱牽世務燈前談笑且從容

不與過應州

元好問

平野風埃接戍樓邊城三月似窮秋  
人家土屋纔容膝驛路旂車不斷頭  
隨俗未甘嘗馬漣敵寒直欲御羊裘  
十年紫禁烟花繞此日雲山是應州

寄鄉中故人

曹之謙

十年夢繞故山薇世事悠悠與願違  
華表未成遶鶴語青

冥空羨塞鴻歸雲橫北嶺迷鄉眼塵滿西風浣客衣爲報  
吾州舊親識短書相慰莫令稀

上韓應州

前人

天挺英雄入彀中堂堂自有古人風飛機力贊興龍業唾  
手能收汗馬功四海威名方共仰一時才武更誰同潁川  
不是畱黃霸行拜中書作相公

元

後唐明宗廟

徐世隆

徽陵當日拯殘唐五季之間號小康因獸害田秋罷獵爲  
民求主夜焚香八年功德丹青在千古明靈祭祀長欲識  
此邦遺愛事廟槐人敬似甘棠

興和道中

張養浩

底事勞勞形與神  
道途鞍馬動經旬  
烟橫絕澗疑無地  
風響深林似有人  
早發舉鞭揮霧露  
夜行翹首認星辰  
何時却逐桑榆晚  
愛殺坡仙此語真

初出雲中

李溥光

吟鞭驢背穩如舟  
乍出巖塵眼界幽  
宿雨洗開千里嶂  
晴雲捲出一天秋  
白鷗黃犢渾相識  
綠水青山憶舊遊  
莫訝旅懷還更好  
道人心上本無憂

明雲中卽事

于謙

目擊煙沙草帶霜  
天寒歲暮景蒼茫  
炕頭熾炭燒黃鼠  
馬

上彎弓射白狼百二連營秦壁壘五原封鎖漢封疆邊陲  
無事風塵淨坐聽笳聲送夕陽

雲中中秋感懷

郭登

南極烽煙又遠征衣冠今夕會邊城千家落日傷秋色萬  
里歸心對月明舞鏡彩鸞雲渺渺隔簾霜兔杵丁丁九霄  
風露涼如許欲挽天河洗甲兵

題元魏永固陵

年富

雲中北顧是方山永固名陵闕夜關淑魄已消黃壤下荒  
墳猶在翠微間春深巖畔花爭放秋盡祠前草自斑欲弔  
當年何處問古碑零落水濕滂

登鎮樓四首

前人

昔年會此一登臨今日重來感慨深  
雲樹每遮南望目關山空老濟時  
心遙知鴈字傳蘇信未許商巖起  
傅霖欲脫牙冠賦歸去清風明月五絃琴

樓頭凝望思悽然蓬鬢蕭疎六十年  
山勢北來雲渺渺水聲東去草芊芊  
寒鴉散亂斜陽外荒塚高低古道邊  
慰我愁腸表太監盃盤羅列酒如泉

寄都憲年公節鎮雲中四首

何棟

北塞風高百草秋嚴威萬里擁貔貅  
陣前親賈諸軍勇幄內密傳衆將籌  
笑洗燕然重勒石喜看部曲盡封侯  
功成

不鑄黃金像 願學鴟夷海上遊

閩外親專節 制權擬將忠烈鎮雄邊  
子儀威令兼諸道 充國軍行保萬全  
仗劍曉霜光欲耀 抱弓秋月影初茲  
功成捷奏明光殿 麟閣勲名照後先

凌晨伐鼓壁門開 投鉞專征海嶽摧  
喜見戈鋌明日月 驚聞號令起風雷  
陣圖乍變龍蛇勢 將佐仍兼霍衛才  
裘帶風清鈴閣迥 黃金不負早登臺

軍門初起聲如雷 諸將堦前聽令迴  
裴度已收朝野望 孔明原是伯王才  
長驅萬馬嚴邊壘 坐擁雙旌上將臺  
欲擬

封侯三萬戶 時彈寶劍看三台



鎮樓秋望

王越

瑟瑟西風吹雨晴  
可憐佳節在邊城  
百年人有幾時健  
一歲月惟今夜明  
撫劍不堪傷往事  
舉杯空自惜離情  
君恩未報頭先白  
贏得轅門說老成

登鎮城西北樓二首

前人

彩雲飛過幾層簷  
樓上人呼酒再添  
半壁夕陽紅影瘦  
一鈎山色翠眉纖  
我非能畫王摩詰  
誰是先憂范仲淹  
遙想滕王舊時閣  
瀟瀟暮雨捲珠簾

天邊星斗落西簷  
醉倚層樓逸興添  
邊鴈叫開雲漠漠  
塞笳吹斷雨纖纖  
黑貂寂莫風塵老  
紫綬淒涼歲月淹  
千古

魏陵荒薺合夕陽行色映珠簾

籌邊亭爲韓都憲賦

邱濬

叢栢中間數仞亭海雲山月總關情  
三千部下春申客十萬胸中老范兵  
談笑已看勛業就指麾能使鬼神驚  
先憂後樂生平事早向凌雲書姓名

登大同城樓

喬宇

東南山勢遶皇都西北樓高眺望孤  
荒磧平沙連塞遠片雲寒鷹人空無  
長城萬里卑秦築文德千年仰舜敷  
今日北門誰鎖鑰受降城外盡輿圖

送胡良弼太守還雲中

劉龍

竟不知其何於公署挹芳塵一燈深夜花頰落兩

徒倚松陰暫避蒸縣頰川堪入傳當時工部已驚人莫辭

落空山淒復清客坐書下紫宸

鸚鵡應慚汝學得能

李夢陽

春盡登香山

上秋風雁幾行客子過壕追野馬將

香山兩度見春歸著古渡迷飛輓白月橫空冷戰場聞道

響著雨巖初肥翻思是郭汾陽

臨風披絕嘯輕身高

王世貞

和魏見泉化悲蠶英靈颯有無象應星辰天北極氣

泉石夙巽宏景癖塵禪代論金檢喜尚侯邦乞寶符混關

小世求大道專紫塞歲慶神輪

賸有雲霞窟耻乞干同

前人

咏青涼山三首使乘春颺畫熊爲問馮唐淹省署何  
青涼山對射堂開幾月靜千烽出嘯閣風迴萬馬空保障  
緣孟尉不追陪盟虛劍掃崆峒

春寒花事晚只今猶

謝榛

倚山臺殿景偏幽風渡桑乾重旅愁畫角悲涼孤館夜黃  
君同醉碧霞樓萬家未擲班生筆浪迹堪憐季子裘回首  
城東重分手仲宣  
髮滯燕州

登恒山二首

客共坐樹下幽禽鳴其上聽而悅之

屈指元州十五春  
白鳥也爲詩一章

王家屏

展新晴草未勻  
此日蠻幽鳥隔林  
聲風停高樹喧逾靜  
響更踏關山月  
會有微乍聞如有意  
僧家慣見不知名  
綠窻

出使雲中作

言懷此生

黃河水遶古邊牆  
河

前人

軍韜箭射山狼黃塵  
展登臨興不遠石徑穿雲  
苔正滑林朔方多勇畧  
只今誰歲月驚時變  
俯瞰塵寰慨俗非  
道欲

謁北嶽廟

駕彩虹飛

祠壇縹緲邊雲孤  
岵巖作

前人

蟠龍虎帝神都羞  
從紛未謝尚平緣  
却拚家去元都近可

將何酬聖主紫芝歲年來銷成火丹崖高處隔人烟藏修

送周郎中守七公買宅錢

誰言春色邊城晚星

郭子直

如魏尚守雲中嚴城欲臨流問渡杯祇是陽城勤撫字非

自來勤遠畧不須長鸞鶴慚逋客望入烟雲護林空臺雪勒

望雲中塞

及看花來

幾年欲向塞門遊北日宜人自可留顧我獨慚黃綬尉與

榆搖落九邊秋壯心春樹和烟綠一曲陽河抱郡流立馬

江湖任鷗鳥漫嗟華以答荊州

香山瑞雲寺與

王濬初

崔魏直與太清齊翻覺星河影漸低呼吸應知通帝座登  
臨總不藉仙梯任從天險穿雲度豈是冬巡爲雪迷最喜  
山靈却封禪渾無玉檢共金泥

嶽空元岳萬山宗縹緲天門箭筈通誰遣五丁開聖蹟只  
教太乙顯神功靈巖嘘氣龍泉水空谷傳聲虎口風泰華  
嵩衡堪並峙何須括地較雌雄

懼陰道中曉行望岳

前人

夜色蒼茫曉未分殷殷鐘鼓自天聞  
崔嵬石壁高齊斗縹緲祠宮半入  
雪瑤壁出燕光燦爛寶符藏趙瑞  
氤氳曲陽此日方崇祀望秩何年考舊文

桑乾道中

陳鴻

征程十里見桑乾二月誰憐尙苦寒  
沃野北來邊地近流澌東下早春殘  
風移竹箭牙貂帽雪作楊花點馬鞍  
旅况壚頭消不盡琵琶纖指莫教彈

薄暮望雷公山

張徽

地僻林深景闋幽神祠遠在此山陬  
峯頭鳥去陽光返谷口龍歸雨氣收  
隱隱鐘鳴青嶂暮霏霏嵐鎖碧雲秋  
平城佳致應推最何日投簪足勝遊

九日陽和臺登高

方逢時

瑟瑟千峯秋氣高登臨有客興偏豪  
風前瓊玉欣雙倚天



醉壺觴強自勞花影尚能明霧眼歌聲未許薄霜毛年年  
慣向龍沙醉回首金門憶賜饒

白登臺懷古

翟鵬

荒臺猶著自登名一望龍沙萬里明尙想精兵圍漢帝翻  
憐奇計出陳平雲中烟墨會鳴鏑塞下山村有廢城顧我  
臨風懷古意互笳吹徹暮雲橫

陽和公署

前人

誰道胸中有甲兵金城鐵甕也須營蒙恬古蹟千年遠魏  
絳勲名五利宏帳列貔貅多盛壯關屯豺虎謾縱橫投醪  
仗鉞皆吾事一夜西風白髮生

柳港泛舟

前人

翩翩旌節下雲霄  
沙漠河流霧氣消  
座對羽觴浮蠓酒  
棹隨水磨轉虹橋  
星軺莅止西陲靖  
風彩凌空北嶽搖  
為備五兵符在篋  
伊誰橫槊任逍遙

白登臺懷古

魏大本

登登岡巒處處村  
君王遺跡向誰論  
戰場一夕圍兵解  
漢壘千年故業存  
流水何心悲往昔  
浮雲隨意變朝昏  
獨餘西北青山好  
壁立金墉固塞垣

雨中登陽和臺大觀樓

劉餘澤

層霄傑閣儼丹邱  
為豁吟眸此勝遊  
劍吐蓮花邀嶽色  
笛

吹楊柳動鄉愁河山草樹三雲曉烟雨樓臺萬井秋聖主  
無勞西顧切於今方叔壯新猷

雲中秋興

楊一葵

極目蒼江望海山煙涵樹暮鐘微壯懷不盡黃花瘦尊  
酒頻看白鳥飛玉帳威行萬里遠綵衣愁共寸心違銅鑪  
夜夜鳴荒戍塞上秋高馬正肥

雪中感懷

段敏

月冷邊城鼓角高一燈明滅晃塵袍年來逝水消功業秋  
入他鄉改鬢毛報國無能慚廩餼歸家有夢到林臯短章  
吟罷渾忘寐俯仰乾坤首重搔

題柳港池亭

韓取善

誰鑿崑流傍紫秋柳陰簫鼓汎輕舟響疑風鶴清歌放碧  
洗關山宿雨收曳履三雲訝鄭簡封侯一識愧荊州賦詩  
醞酒懷偏壯擊楫還過瀚海流

謂大同名宦祠

大文曾按  
宜雲祠之

于重華

昔日我冠按朔方而今猶自凜風霜西臺御史乘驄地東  
海千公種德堂接武有人仍憲栢惠文到處是庚桑岩牆  
一席真千載瞻仰流風日月長

題釋迦塔

曾韜

玲瓏峻碧倚蒼穹海宇浮屠第一工百畝址基旋地軸六

層鈴古弄天風觀瞻迥出烟雲外登賞翻從殿腹中幾欲  
壯懷發豪興借爲文筆寫長空

過遼沙節度墓

翁應祥

憑高弔古立風前相國先朝事宛然墓有殘碑埋宿草詩  
畱遺跡鎖村烟從龍作雨知何日歸鶴乘風又幾年俯仰  
滄桑千古是好將消息問山川

秋暮登高有懷

朱雨山

名失考

露冷天高萬里秋孤城獨坐對山樓寒塘四野飛鳧鳩  
日千村散馬牛紫塞尙畱秦雉堞自登誰益漢戈矛雲中  
自古邊垣極夜夜霜茄瀚海頭

渾源漫興

石玠

散盡閑雲看好山較來平地十分寬  
半年匹馬三關外一夜微霜兩鬢間  
大火行空無薄暑西風吹客有餘寒  
來朝又過桑乾道羞見前村倦鳥還

得勝堡市場

李杜

吹笛關山落日隈幾年曾此得登臺  
天王有道邊城靜上相先謀市馬開  
萬騎雲屯星斗暗三秋霜冷結旄回  
一從興版歸疆索幕下空餘草檄才

遊元都觀

徐琮

東郊旭日影蒼涼步入蓬萊海異常  
松護瑤宮晴拂翠花

飛璫圍草生香朝 其羽客騎元鶴奏樂仙童咏紫鳳冠蓋  
追遊歸去晚烟霞携得滿羅裳

柳港泛舟

吳亮

白磧黃沙曲水通招携暫許過城東迎風柳眼千條綠向  
日葵心一半紅見說雲旄來塞下况逢佳節麗天中沐蘭  
偏喜孤踪合肯負樽前酒不空

池亭讌和

徐克讓

輕輿軟徑破烟蕪新雨纔過綠淮湖小坐恍呈濠水趣細  
遊猶開剡川圖獨慙白雪先題壁深喜青雲共接途沙壘  
一官殊不俗教人六月坐冰壺

秋日飲乾樓

吳伯興

危樓坐倚暑猶寒，千仞高墉絕壁盤。  
山繞塞垣分隊出，樹開營壘接郊寬。  
鏡歌風轉庭靜，槎客星移幕府看。  
乘興誇雄吾作賦，談兵誰是舊登壇。

題柳港寺

朱允鮪

柳寺城南日午鐘，浮圖映帶九芙蓉。  
蓮開上界金長湧，窟結虛樓雲半封。  
雙樹摩空枝借鶴，六時翻貝鉢歸龍。  
慈航彼岸迷烟雨，香散蘋花入座穠。

秋興四首

王嗣續

搖落清秋萬壑哀，蕭條北向望龍堆。  
風來枚嶺迷烟合，月



上榆關寶鏡開雲裏雙雕隨箭下天邊候鴈拂霜迴匣中  
古劍塵埋久夜夜精光徹斗台

飛狐嶺上暗黃雲趙霸岡前見馬羣名將子孫皆錦袴芳  
時樓閣總紅裙城頭旆影晴朝見柝裡秋聲靜夜聞版築  
金湯千載績土人每誦郭將軍

北嶽巖巖鎮此邦平明山色滿晴窗秋防戰士擐金甲日  
暮材官醉玉缸扼塞總因專闔壯銷兵應爲築城降可憐  
仗鉞王司馬懷遠安邊古小雙

晉陽西北枕邊頭云是當年古冀州曾爲烽塵饒去馬近  
因通市靖戈矛藏山春雨程嬰廟汾水秋風漢武舟一線

黃河臨廣漠不知何以恃無憂

上蔡中丞

高 璉

早從經濟識兵機遠為朝廷布德威功業滿書麟閣上笑  
談坐解蔡州圍風清白羽閒看扇香溢紅雲御賜衣簡在  
帝心勞亦久只今虛席待公歸

咏七峯山

王汝濂

平沙漠漠翠屏開勝日邀權結駟來峯巖似凝珠斗列巖  
虛疑抱玉泉迴響傳空谷風生洞影亂斜陽鳥下臺獨惜  
王喬飛鳥去雙鳧雲斷重低徊

遊覆宿山

郭登庸

雨霽登登石經分滿身嵐氣鬱氤氳蒼巖古樹高天近平  
野孤城落日曛燕冀豪華傷寂寞乾坤時事慨紛紜德人  
每話山中樂畱我東峯臥白雲

過書堂巖爲金進士曹先生隱居講學處

陳棐

先生樂處孔顏尋舊有書堂聽好音已是文章成甲第况  
兼理學耀泉林辭官彭澤羞升斗講道河汾契本心仰止  
那堪悲異代歌殘梁木氣森森

上盤驛阻雨

許銳

山徑崎嶇轉上盤俄經一雨送輕寒千峯似笠愁難合萬

頃如酥惜易乾潤急詹牙垂玉箔滴殘松頂綴珠丸今春  
漫道風沙惡明日來麪笑眼看

過桑乾河

張達

幾年不渡桑乾水今日重來二月中萬里洪濤如舊湧一  
川積凍未全融浮槎謾擬張騫興悲路何憐阮籍窮我已  
無心問津吏閑來風浪看蒼穹

國朝

送李谷愚明府之廣靈

施閏章

素交眼底獨推君古道文章迥不羣家傍清江心共許人  
當燕市手重分馬蹄曉踏白登雪雉堞晴看紫塞雲聞近

襄陵多美酒不妨賓主共論文

登應州木塔

曹溶

域內浮圖盡得名，崢嶸獨此運斤成。  
層樓不敵飛輪巧，巖嶺偏移畫棟輕。  
書寂爐香歸藻井，春晴花雨下金莖。  
徘徊悟得無生理，身在烟霄象外行。

上元後五日本塔寺重遊

前人

臨邊淨域喜重登，春氣熏人健短藤。  
妙蘊本難求色相，禪宮何以託崢嶸。  
倒啣鐵鳳風中鐸，遍放金鷲午夜燈。  
曾在恒峰舒醉眼，秋毫百里見觚稜。

寄懷左翼宸先生

魏象樞

古貌古心接太初，先生久與世情疏。  
霜寒北嶽人無夢，雪

滿金城飯有蔬絕代行藏三徑菊百年貧病一牀書吾鄉  
咫尺高山在欲見無由托鯉魚

甲申闖寇陷兩鎮雲鎮衛撫軍朱兵憲宣鎮朱撫軍

死之

前人

高懸節鉞鎖重闈就義從容報國身關塞千金收死士京  
華一臂失儒臣正當首鼠行蛇日不愧攀龍附鳳人三老  
忠魂稱鼎足好將生氣護楓宸

甲申闖寇陷兩鎮李生若葵姚生時中死之

前人

二城三烈相傳久更有書生義並聞泮上衣冠懸白日樓

頭婦子轟黃雲巖疆謾託專征將大事空餘報國文  
鼎湖龍已去不堪揮淚向山君

過小關嶺同雲門衝風而行次南曠見贈韻

前人

四月披裘度小關  
緋桃處處亂烟鬟  
無言說夢心難穩  
有客同歸意自閒  
一逕關河隨我過  
十年風雨共君刪  
平生竊望山能學  
不信山中更有山

送曹侍郎備兵大同二首

朱彝尊

司農論議朝端重  
副相聲名輦下聞  
豈意尚煩西顧策  
翻教暫領朔方軍  
河邊遠道人千里  
天外鄉書鴈幾羣  
到日

大同府志 卷之三十一  
關城春色早李陵臺畔柳紛紛

關榆蕭瑟一庭空  
烽火平安九徼通  
往日連師經朔漠  
只今屯塞亘西東  
黃河天上三城戍  
畫角霜前萬里風  
知有馮唐論將帥  
不令魏尚久雲中

雲中至日

前人

去歲山川縉雲嶺  
今年雨雪白登臺  
可憐日至長為客  
何意大涯數舉杯  
城晚角聲通鴈塞  
關寒馬色上龍堆  
故園望斷江村裏  
愁說梅花細細開

答朱錫鬯過廣陵見懷之作時謁曹侍郎於雲中

王士正



桃葉渡頭秋雨繁喜君書到黃昏銀濤白馬來胥口破  
帽疲驢出鴈門江左清華性汝在文章流別幾人存曹公  
橫槊懸相待共醉飛狐雪夜尊

賦慈老

并序

徐化溥

塞上一種似鴈非鴈備鴈江來本草云慈老或言見于  
升菴集然字書不遽攷嘗修矇翎毛風來颯颯殊爲  
可觀鄰人雷氏買以伺夜坊邊翮而羈之每露下風廻  
之候啼叫淒哀楚我心曲語以道林故事俗人笑而  
不答良可悲也張曲江曰今我遊冥冥弋者何所慕斯  
言愈足佩矣漫賦一弔

夢破家山繞舊蘿哀鳴切切叫雲阿蘇卿去國還鄉晚支  
遁開籠失路多九月霜繁身帶雪五更鐘斷淚成沱可憐  
翰羽彫零甚難伴飛鴻遠塞過

興雲橋二首

前人

城頭鼓角動寒光東跨河流星影長戰後沙平黃鶴斷濤  
回秋老水犀僵標銅漢使開南照圖畧營平壯古湟一自  
雙虹垂遠岸石梁長鎖萬年疆

萬雉巖巖俯石壘誰教一蟻潰衝波輿臺授指羣材屈暮  
鼓鳩工衆力多沙磧臨風飛鐵騎柳堤映月走金梭濤分  
遠漲寒流靜漢武空勞瓠子歌

大勝甸

前人

沙磧鄰鄰塞草零孤城裏幽戰場  
從來鐵甲兼黃石謾道泥丸杜  
紫荆萬折蒼山蛇陣遠一  
天霜羽鶴風驚曠懷往事歎歎  
久何處霜笳起暮聲

雲岡佛閣

三度

聳峯危閣與天齊俯瞰塵寰處處  
低億萬化身開絕嶂三千法界作  
丹梯乾坤再闢雷初奮海岳重光  
月指迷我欲凌虛朝玉陛好從靈  
鷲問金泥

遊恒山

前人

方岳時巡昉帝虞恒山不盡我  
皇圖曲陽大茂疑今古

飛石靈泉事有無  
萬仞晴光開隻眼  
千巖爽氣掖雙鳧  
低回大禮維天柱  
望祀還須 睿聖謨

陽和署中新秋

南洙源

簾捲新晴見月華  
銀河淺淡影初斜  
老梧搖葉寒風細  
哀鴈穿雲去路賒  
才愧歐陽羞作賦  
心同宋玉但思家  
閉堦扶杖清宵立  
萬木蕭蕭引暮笳

石佛寺

王儀

千仞孤峯百尺樓  
雲天高並兩悠悠  
西秦風雨當軒夢  
北魏烟嵐半偈收  
更有寒山支介石  
豈無輪海泛虛舟  
遠鷗獨立坡沙淺  
分得尋常幾點秋

興雲橋一首

馮雲驥

百尺飛梁駕古壘嵯峨鐵柱砥驚波  
沉來白馬沙堤古跨去青羊異跡多  
兩岸松杉分野色五更濤浪走雷梭  
何人一采芙蓉贈徙倚聊爲白石歌

倚欄縹緲俯流光鞭石飛來雲臥長  
水樹萬年靈鵲集風雷一夜老蛟僵  
戍烟遙捲奔濤壯沙月孤懸倒影黃  
形勝古今終不改金繩玉柱聳邊疆

恒嶽詩二十二首

前人

嵯峨恒嶽倚長空珠樹玲瓏繞玉宮  
白鶴彩鸞紛照耀朱霞飛雨落空濛  
仙亭泉瀑三天雨虎谷松吟萬壑風  
回首

塞垣看不極沙場縹緲一歸鴻

石壇瑤草接谿榭紫閣神樓對曉霞何處空林聞浩嘯更  
看香水泛胡麻燒金羽客調元鶴採藥山童飼白鴉一枕  
松風仙夢遠人間廻首夕陽斜

白雲堂下雨絲絲我欲長鑱學采芝玉洞春深花發後石  
樓秋冷月來時空山寂歷堪聞道獨立蒼茫合詠詩讀罷  
殘碑天又晚歸來跨鹿夜遲遲

望仙亭上喚羣仙鶴駕龍車更儼然萬里邊風吹夜月連  
山松影插遙天當年曾授金光草此日長歌白石篇忽訝  
雲霞生左右輕身碧落好飛鸞

急雨驚雷大壑秋  
飛蛟挾霧起啾啾  
乍聞天樂飄金瓦  
時有神燈掛石樓  
嶼萬年拔地軸  
威尊千里奠雲州  
我來長嘯耽奇勝  
扣劍飄蕭此壯遊

驚看大地莽徘徊  
此日登臨萬古臺  
不盡塞雲鴻鴈度  
無邊秋色大河來  
平臨畫壁開靈府  
下望黃沙舊戰垓  
仙樹流雲紛蕩漾  
何人彩筆倚雄材

紫芝谷口芝田老  
幽徑苔斑草半荒  
怪石滿崖風颯颯  
野雲無路水湯湯  
樵斤半伐遙天碧  
僧杖平分夕照黃  
我欲求仙尋大藥  
誅茅此地構閒堂

銀沙香眇白龍蟠  
舊雪陰風六月寒  
錦石千盤廻爛熳  
穠

花萬樹倚琅玕燈光閃閃明虛壁僧話嘈嘈隔急湍賴有  
靈文畱我讀好從古洞發奇觀

翠雪亭前疑海濤萬松風起掣飛鼇孤懸杖履愁難立揮  
手星辰欲並高殘碣讀來愁漉滅洞簫吹罷倚清豪平生  
不淺奮飛志萬里何啻駕羽毛

村叟賽罷望靈旗燭影花旛縹緲時仙去萬年傳白蝠神  
歸五夜駕青螭虛堂杳霧霏霏續石洞流雲裊裊垂更有  
琴臺蹤跡在老僧指點至今疑

威靈岳廟震飛鐘天竈珠樓十一重曲徑幽蘭垂雨露當  
門老木傲秋冬山魃紅眼衣蘿笑毛女紅顏採藥逢徙倚



已將塵世隔高歌直欲扣長松

逍遙曳杖踏雲行到此羈愁一望輕金殿松杉畱慘淡玉

泉沙石映空明長歌石上秋風急踞坐峯頭海日生誰向

齊州辨九點曠觀天地莽縱橫

黑帝祠前太古壇無邊秋色下青鸞靈文時有風雲起丹

竈空畱日月寒落落長松垂積翠蕭蕭神草長闌干煉身

忽訝天都近北斗芒掛袖看

玉塞龍堆擁大荒獨馮看元岳鎮遐方危峯過鴈來秋色萬

里黃沙散夕陽勾注迢遙野望迥柔乾縹緲水雲蒼只今

禹跡依然在寶篆威文闕古牆

奇峯削壁倚嵯峨  
詞客孤筇此日過  
燕壁多年沉瑞玉  
趙符古地問干戈  
危厓急雨飛流折  
大壑清秋落木多  
朔野從來爭戰地  
獨教靈境敞雲蘿

茅庵老衲解棲遲  
手種青松成古枝  
峽險風來天欲立  
瀑高雨過月看垂  
叅禪自合依元谷  
辟穀還堪餌石脂  
習靜幾年人不到  
夢回蕉鹿已多時

曾聞仙客此休糧  
玉竈金泥鍊夕陽  
一自元都雲鶴返  
至今古洞藥苗香  
石泉晶晶朝光動  
楓葉蕭蕭夜色涼  
萬壑風聲吹未歇  
常疑天樂度琅琅

十年回首塵中夢  
此日蕭疎拜洞天  
石鏡月華明玉戶  
翠

屏霞影照仙田方池不涸龜存壽老木長春鶴記年手弄  
金鵝還一笑臨風朗誦古苔篇

長風不斷捲清寒欲借仙琴試一彈深洞雲泉松籟勁遙  
天花雨鶴翎殘碧簫紫閣春縹緲絳雪元臺路渺漫閒倚  
夕陽巖上樹高垂松栢影丸丸

飛樓古殿做陰陰清夜高秋試一臨白鳥棲枝雲淡蕩黑  
熊歸館日蕭森看山此日開奇夢弔古應爲發苦吟漢武  
旌旗何處問霜華寒葉滿疎林

浩浩奇懷頻悵望一峯數舉爭晦晴翠崖丹壑紛改色瀑  
泉古澗各爲聲冷暑幾年聊幽探塵事終許謝浮名獨夜

大同府志 卷之三  
古祠更清肅隔林月出野猿鳴

萬仞岩堯俯塞垣連山千里拱兒孫奔雲突兀獲狄嘯古  
壁谿猗虎豹蹲老木蒼蒼圍野廟桃花冉冉自孤村更知  
北帝威靈肅父老秋風拜石門

恒山紀事二首

前人

虛堂神鬼此躑踞元岳盤桓認斷碑誰使曲陽紛祭祀從  
教漢武錯旌旗金泥玉檢千秋典錦樹仙臺萬古奇一自  
秩宗釐正後舉華縹緲望邊陲

仙郎一疏奏明光天上金書賁朔方遂令名山新大典長

留靈氣護巖疆花幡翼翼紅雲近芝草翻翻白日長誰是

登高能賦者好從古地勒鴻章

三雲感舊

前人

黃雲如旆掛城頭不斷陰風紫塞秋  
落落殘碑沉野路蕭蕭衰葉響沙洲  
清霜如夢金釵冷淡月無情玉梳愁  
腸斷縱橫百戰後古魂縹緲聚荒邱

雲中秋日八首

前人

霜風昨夜感秋聲獨客徘徊驚旅情  
黃柳幾枝歸古道白沙十里繞孤城  
野獵坐嘯殘霞迥烟鳥低飛落日輕  
疎散欲將人事絕閒心吾已謝時名

浩浩驚沙四野來鷺鳴夜止李陵臺  
寒花滿地清霜重飛

大石原志 卷之三 三  
草粘天畫角哀，賽龍神燈明。雀瓦戰餘鬼火照，龍堆百年  
詞客重過此，弔古長歌獨馬廻。

大漠蒼茫望轉迷，無邊衰草野雲低。孤臺突兀開猿嘯，怪  
石縱橫印虎蹄。寂寂青山看近遠，飛飛紅葉自東西。古庄  
尙有遺宮在，瑤瑟銀箏盡土泥。

錦帳貂裘紫橐駝，將軍射獵過渾河。幾聲蘆管非心風，起十  
丈紅旗秋色多。羊解絛鷹臨大漠，目追野馬踏山阿。昔年  
此地曾征戍，指點沉沙認斷戈。

李牧祠堂接鴈門，青山萬仞古臺尊。龍蛇古壁秋雲暗，劍  
戟虛廊夜月昏。千載風烟銷舊壘，異時松柏老孤根。迢遙

玉塞憑高望過客還來薦野藥

秋陰慘澹菊花黃遊子登高望故鄉  
獨夜清霜驚旅夢山城明月搗寒裳  
好閒不用憐貧病任達從來愛酒狂  
極目平原天地迥碧雲鴻鴈兩茫茫

曾識平城古戰場沙田無數列牛羊  
松枝撼撼凝烟黑鳥語啾啾落日黃  
邊塞昔時勤將帥山川異代感興亡  
哀歌未斷秋風起徙倚頻看鴈影長

世事空憐去日多酒酣白眼一悲歌  
徘徊秋色誰能那寥落孤心近若何  
蕭蕭斷鴻迷古塞飄飄殘蝶戀寒柯  
浮雲富貴無須問欲訪南山舊薜蘿

重至大同

顧絳

頻年落落事孤征，每到邊原一寄情。  
馬跡未能追穆后，虎頭空自相班生。  
風吹白草桑乾岸，月照黃沙盛樂城。  
忽見丹青意惆悵，君看曹霸重才名。

桑乾野漲

沈會霖

一官無日不征鞍，野色蕭蕭畫影殘。  
地是中原關吏撤，天仍荒塞暮烟寒。  
雨繞山半先成霰，水至春還始下灘。  
但聽濤聲心已折，那堪羸馬渡桑乾。

遊覺山寺

朱起鳳

空山古剎是何年，野老相傳北魏前。  
世遠已無棲佛閣，鶴



來猶有養僧田  
千年塔韻虛鈴鐸  
萬壑雷聲滾瀑泉  
坐久天風吹欲去  
漫將濁酒壯行鞭

遊覺山寺觀杏二首

何士震

大覺名山北魏題  
同人逸興試攀躋  
峯回疊嶂嵐光合  
澗落深巖谷口迷  
旛影靜時紅杏出  
旃香飄處白雲齊  
千年遺跡堪凭眺  
塔井徘徊日已西

古刹盤桓歷廢興  
閒尋老衲問傳燈  
三千界已歸何有  
五百僧曾得幾能  
清磬松濤聞秘密  
孤筇花雨見崢嶸  
試看爛熳林間樹  
隔斷紅塵便上層

送張仲若大司馬開府雲中二首

梁清標

元戎小隊擁雙旌  
貴相星同上將明  
玉笛晚吹青海戍  
秋霜先下受降城  
逍遙叔子看裘帶  
譚笑希文有甲兵  
莫道封侯論骨相  
如今軍旅仗書生

虎符佩出未央宮  
兩袖翩翩識素風  
饗士轅門沉畫角  
行邊俠少避青驄  
尙書履接星辰近  
太乙光連海嶽雄  
紫塞卽看閒斥堠  
須知魏尙在雲中

登律呂祠懷鳳凰山古蹟

桂敬順

蒼祠高倚鳳山巔  
有客穿雲不問禪  
自古登臨凡幾輩  
祇今絃誦想當年  
長風彷彿蘇門嘯  
靈竇疑通太白泉  
却笑

農人強解事扶藜  
指點說神仙

已卯冬日奉使恒岳留別桂介軒刺史

秦大士

翰軒塞草路蒼茫忽接神君話故鄉千里歲寒歡執手五  
年江表記登堂岳靈禱應隨車雨谷暖春迴蔽野棠異政  
已看書上考慚無遷筆傳循良

大同

史正義

往蹟茫茫未盡湮撫今追昔獨傷神六卿專國三分晉萬  
里爲城二世秦櫪下馬嘶懷伯樂渡頭水涸弔津人誰憐  
冀北飄零客又見明妃塚草新

大同懷古

張五典

勢抱重關控極邊漢家亭障舊相連中郎使節蘇卿老太  
守聲施魏尚賢秋到自登山沒雪春深青塚草生煙何人  
識得銅牌鹿應記元封出塞年

秋日登佛宮寺木塔三首

吳炯

木塔峻嶒造化工振衣絕頂俯飛鴻渾河近湧秋濤白恒  
岳遙呬日影紅雲漢人題遼代石桑榆僧指晉王宮荒沉  
舊蹟依稀在禾黍西風梵剎雄

赤磧黃砂幾變遷凭欄眺望渺無邊雲中城郭千家雨代  
北牛羊萬壑烟隱躍星辰高可摘悠揚鐘磬響空懸奇觀

峻極前朝字剝落屢換贖紀年

辛卯春著大同郡齋同王柏崖作

團昇

花飛草長竟何曾節候邊關迥莫應已暖寒威重瑟縮未  
風雲氣蚤曹騰更無大澤尋蘇武陰有荒臺說李陵我自  
鄉思消不得阿誰扶杖一同登

登大同城

前人

沙磧橫飛日色曠昔年中外此區分巖花澗草幾經見春  
燕秋鴻都罕聞勝蹟尙傳遼太后威名誰念李將軍闕來  
間倚城頭立千里鄉關空暮雲

雲岡寺二首

胡天游

萬二千寺無遺跡片石崔嵬影尙留紺髮寶支開絕壁銀

雲涼瓦自高樓疎鐘帶月搖清寒  
幾樹含風入早秋  
劫換塵移人世改  
諸天定裡不知愁

寺門紅透夕陽西  
一片灘聲送馬蹄  
野客定難攜屐到山  
禽猶自戀人啼  
安禪未穩身將老  
絕塞經過意欲迷  
拂掠翠微吟興在  
珊珊鞭影逐風低

鎮樓秋眺

吳麟

郡城西北有高樓  
此日登臨爽氣浮  
四望河山連朔漠  
一天風露倚清秋  
邊疆自昔營中重  
則壤於今黍稷稠  
烟火萬家民俗厚  
愧無三異繼中牟

雷公山謁潤濟侯廟

前人

輕雷起處古龍湫山勢盤盤接武周花發野壇烟正媛波  
湖老樹翠環流荒碑篆筆何年記沛雨靈風盡日浮  
申來叨潤濟故應岳瀆視公侯

自太原莊抵口十里舖

李廷儀

一帶山垣儼畫圖探樵絕壁野人呼沙明兩岸河流細風  
攪長堤樹影枯僧背夕陽歸古寺鳥隨殘葉下平蕪馬蹄  
蹀躞歸來晚却望城樓夜月孤

始至大同贈吳冲菴太守

張開東

治廉循最數吳公京國山川右翊雄地向南江浮彩鷁天  
廼北嶽懸花驪羸秦蒼莽關邊郡元魏蕭條問故宮每爲

游人勞顧盼輕重本得人雲中

九日登雲岡

劉卓

雲中已是絕人攀况復雲岡山上山玉宇肅清鷹奮遠元  
霜搗盡鴈飛還巒巒花雨香初散石琢阿羅髻帶斑強欲  
登高來絕頂不堪回首望鄉關

書黃烈婦吳氏傳後

前八

千古黃家節烈門肯將一死答夫恩使君有婦徒相逼賤  
妾何聊得苟存芳魂不隨剛刃朽撮抔難洩覆盆冤至今  
紫塞淒涼月猶照當年碧血痕



浩劫還餘尺土封雲車羽駕問元蹤鴻濛一頓闢三才位渾  
醜從開萬古胸白草黃沙埋斷瓦孤村寒樹背高墉圖經  
指點傳疑處落日烟霏咽暮鐘

王家園觀杏花

邢纘祖

杏花深處幾家村繡野層層密蔭屯夾岸紅雲遮柳眼封  
條白雪妬梅魂西巖雨氣送芳徑十里河光漾錦痕絕塞  
護嗟春色少昔人曾此播靈根

壺泉寺

宋 瑞

翠結蓮峯擁紺園玲瓏歆薄澹壺源苔涵草色平鋪野雲  
審嵐輝遠到門魚鳥親人深漢想菰蒲夾岸水烟痕忘機

誰徹空明影擬共山僧物外論

中秋讌集載月軒拈韻借同入作

錢 臻

萬斛珠光杯底來天風扶我上瑤臺九霄鸞鶴笙吹起四  
塞山河鏡湧開清嘯幾聲秋莽盪高寒無際影徘徊人間  
此夕竟寰詠定有仙雲五色裁

雁州官署贈蔣濟之赴天鎮

前 人

壯歲辭家萬里遊車輪馬足更扁舟携來瘴雨蠻烟夢併  
入榆關紫塞秋

濟之由  
粵抵晉

九月邊城飛朔雪中宵官閣冷征

裘鬪君幾向桑乾北咫尺離踪兩地愁

鴈門關外口占

宋 梅

鴈門關外路悠悠  
輕颺風塵去未休  
萬里空濛渾似海  
三庚颯爽鎮如秋  
荒原白草添新恨  
落日黃雲記古愁  
不醉金波山店酒  
教人無計客并州

秋日雲中

前人

浩浩平沙首蓓肥  
朔風騷屑透征衣  
秋涼罷逐殘蟬噪

秋涼

形如蟬差大聲亦如蟬差促

慈老爭隨候鴈飛

慈老似鴈非鴈借鴈往來

廢壘荒雲

迷古堞離亭衰柳送斜暉  
城頭畫角聲悲壯  
正美尊鱸未得歸

邊牆

前人

邊牆一望景蕭條  
萬里無痕天沈寥  
人在他鄉愁易動  
山

含宿雨翠難描  
清秋鴈陣傳書  
迥隔院砧聲入夢  
遙懷抱  
欲開開未得  
潘郎那免鬢刁騷

簡恒山院長韓璞園

楊謨

枕經藉史荷陶鎔  
負笈真誇錦繡重  
弟子由來汾水派  
先生本是泰山宗  
堂開嶽色歡移榼  
座滿春風待叩鐘  
更有主人青眼在  
不妨老矣尚孤踪

出鴈門

朱建豐

匝月端征迭往還  
驅車又出鴈門關  
雲橫仍爾凝樓碧  
林醉添多落葉斑  
挾纈寒催枯杵急  
納禾秋報酸農閒  
更餘

絕勝經過處  
泥濘愁深暮雨潺  
人鴈門時方臨雨

雲中道上

俞治

萬里邊城擁朔垓長風晴捲暮雲開羣山陡向龍堆落  
騎飛從鴈塞來夜雨暗滋青塚草寒烟愁鎖白登臺無端  
亦作并州客賈島詩成首重回

郡齋卽事

前人

南薰細細隔簾生午夢初回客思清獨藉楸枰消永晝閒  
刪詩稿坐深更雲中六月全無暑塞外終朝不易晴抵雲三月  
無日不涼意滿天侵瘦骨夾衣先覺未秋輕

郡齋秋夜

前人

寒螿昔昔鴈年年孤館殘燈耳不眠官廨柝聲催五夜鐘

樓刁斗靖三邊鄉心易動臨風杵客夢難圓苦雨天越鳥  
羈棲終未穩擁衾愁待曉鐘傳

雲中郡試

文光

郡衙日永綠成陰多士如雲盡鄴林孔惠周情通脉脉班  
香宋艷息深深公門桃李他年事藥籠參苓此日心莫以  
冬烘迷五色欲傳衣鉢到而今

中秋夜郡齋讌集

前人

秋色平分問素娥郡齋讌集夜如何  
露凝空界上清光滿  
映  
亮樓中逸興多接座賓朋逢大戶  
登場絃索度新歌  
莫辭

銀箭催殘漏且醉瓊酥金巨羅

黃烈婦祠二首

前人

使君漁色扇淫風，下體圍房節操同。  
畢命霜刀驚野鴨，埋冤夜壑弔秋虫。  
當堦草色含愁綠，接座花枝帶恨紅。  
應有貞魂長太息，靈旗搖颺月朧朧。

古屋豐碑烈婦祠，青衣更不愧鬚眉。  
名垂地老天荒後，春憶紅殘翠碎時。  
冉冉雲駟歸月姊，珊珊環珮馭風姨。  
朝雅重冰霜，操會見恩綸降玉墀。

初莅應州有作

陸元鼎

清風薄宦寄遐方，萬里邊城古塞鄉。  
地僻真堪容我拙，年豐猶喜見民康。  
神遊玉壘雲生采，夢憶河陽花正芳。  
馳逐

風塵懷往蹟旬宣何以媿甘棠

五言排律

唐

恒岳晨壑有懷

李襲

二儀均四序五嶽分九州靈造良難測神功匪易酬恒山  
北臨岱秀嶠東跨幽瀕洞鎮河朔嵯峨冠喬邱禋祠彰舊  
典壇廟列平疇古樹侵雲密飛泉界道流從官叨佐理銜  
命奉珍篚薦玉申誠效鏘金諒有由郊原照初日林薄委  
徂秋塞近風聲厲川長霧氣收他鄉饒感激歸壑切祈求  
景福如光願私門當復侯

金

謁北嶽

趙秉文



四大神儀一羣山大茂尊奠方荒奠宅視禮配天孫西送  
虞淵莫東瞻碣石噉寶符臨代郡鐵甕扼并門控趨襟形  
壯環燕氣象渾九河探禹跡萬里叫虞魂在昔登封始前  
驅羽衛繁千官駢部曲萬騎隘山樊卜地恒陽冊移祠泰  
始元荒碑剝歲月飛石重柴燔帝秩加黃屋宮居象紫垣  
雲楣朽芝瑞雨砌裂槐根天業恢宏大山靈翊衛屯雲烟  
浮近甸日月遶中原秩謁天香重封題御署存銀鏐諸產  
富電雨萬靈奔神聽歆嘉德天聰納正言許身徒稷契無  
術補羲軒帝籙長桑洞仙巖張果村卜居如可近重整北  
山轅

山轅

元 送仲常遊北岳

劉 因

大茂元都闕它山拱萬靈風霆凜神化河海盡襟形昂舉  
空畱影幽并未了青追封王制變列祀禮禋馨禮樂心雖  
切烟霞骨有銘長懷七十戶為我謝仙局

明 寄王侍御塞上

謝 榛

君王重簡命爾志在寅清節鉞分西顧風寒護北征羽旗  
風外合驄馬雪中行直渡柔乾水還臨驃騎營九關多猛  
士百戰有長城夜半仍傳檄天寒未解兵黑山橫寶劍青  
海動金鉦獨仗安邊策兼收抗疏名虛心當國事高議見

儒生若歲思銘鼎空言陋請纓乘秋寒朔氣計日落皇情

應遣龍庭使馳書到玉京

題鎮城西北樓

李柄

重鎮臨元岳名城正朔宮危樓峙西北飛棟接穹窿日湧  
神京現天開大漠空黃河遙浩淼澤水近冲澗百雉旌旗  
肅三關鼓角通睥睨千騎整磴道九達同自昔嚴刁斗累  
朝息戰功堠烽分障謐貔虎備邊雄坐遵陳平策時頌魏  
絳鐘憑欄舒灑興飲御咏和衷地互金湯固門扁鎖鑰崇  
壯猷方叔在膚碩頌元公

國朝  
雲岡寺謙集

曹溶

邀客坐平沙寒陰半雪花梅檀羅十寺磬梵幻三車堤柳

飄金梵風毛印玉砂野清圍列騎徑曲隱吹笳石鼓喧霄  
漢冰泉礪齒牙法幢隨霧雨寶座卽捨訝佛國遊堪借軍  
容靜不譁遙天開帟幕中席進琵琶鼎沸親煎茗盤空映  
削瓜興餘攀鐵鑊深處乞胡麻醒酒穿林麓合具懽置綱罟  
鏹聲鳴餓虎牙影散秋蛇未礙西來法聊舒遠放嗟告琴  
人孰在銘刻意徒奢水遶孤城直山分大漠斜要荒齊奉  
版駝馬各歸家境勝酬官冷閒多緩髻華敝裘親爨黷彩  
筆付蒹葭當軾懸捎兔移燈照晚鴉碧雲猶徙倚不信出  
塵賒

題吳石亭明府春遊口泉圖

鄧克謙

邊方儲勝地政暇騁遊觀載酒來三異尋春得二難巖腰  
泉倒掛谷口樹橫攢嫩綠帷青嶂輕紅映碧湍紆廻穿徑  
窈轉折入林寬躡屐登煙岫披襟坐石巒花香侵綺席浪  
影漾雕鞍檢韻成抽思擊盃各盡歡勤民詢父老愛士集  
衣冠澗曲停車處欣從畫上看

登恒岳

百維世

冀北開名岳紆盤鷹塞東星精占昴畢易象叶雷風舜典  
冬巡重皇王秩祀隆參天摩斗極拔地闢鴻濛奠定撐河  
海明威等華嵩千峯皆拱伏萬壑自流通縹緲雲梯近參  
差廟貌崇洞雷仙蹟異巖映夕陽紅虎口鸞常發龍泉味

不同石脂圖爛熳靈穴氣冲融  
 笙鶴鳴霄漢翠臺倚巖穹  
 蒼松枝鬱鬱古栢葉葱葱  
 蘚潔滋甘露蘿懸掛采虹  
 紫芝香霧靄神草翠烟籠  
 採藥依芳谷尋花轉茂叢  
 登臨舒夙願嘯傲達幽衷  
 度險途彌曲升高徑屢象雲  
 深聞吠犬羸峻怯飛鴻極目  
 仍懷古高吟欲撼空  
 代符藏隱約燕壁顯玲瓏  
 寶籙徵宏仙經補石公  
 未逢青眼客旋遇白頭翁  
 指點桃源路鋪成造化功  
 試看回首處華月正朧朧

七言排律

國朝 恒山

史正義

疊嶂層巒接太行  
 重華緝瑞此山陽  
 元極上應居坤位  
 恒

德遐敷鎮冀方古樂人思虞典禮殘碑苔蝕漢文章披雲  
盤曲琴臺外舍策低回貝闕傍殿角晴搖紅日近松根晚  
挹紫芝香暫遊靈境緣非易欲買青山夢未忘玉檢金泥  
藏秘室碧桃瑤草發孤芳谷深冷貯千年雪巖迥寒飛六  
月霜動地雄風生虎口臨空仄徑勝羊腸輿圖東接幽燕  
遠氣勢西吞代朔長飛石譎傳嗟往歲爲霖仰賴潤邊疆  
何時携取油囊酒來會羣仙之羽觴

五言絕

國朝  
重遊懸空寺

魏象樞

溪聲接梵音石竇封瑤草我尋舊日僧山門猶未掃

太白山

馮如京

太白山羣峯天都窺  
巒嶂長松四時秋陰崖萬古雪

雲中道上

邵嗣堯

曲折山城道龍鍾  
病裏身征夫問前路一日不逢人

送盛郎之大同二首

吳雯

雪北風寒別筵不知曙  
梅花此地深何事雲中去  
勿勿惜醉愁看長短亭  
如何別太遽不待柳條青

靈邱雜詠八首

岳宏譽

不何遲去時亦太早  
新巢接舊巢相見殊草草

無牡丹芍藥種絕嘉  
開時紅爛熳不減牡丹花



開青青初見柳桃花並李花總在穀雨後  
地多顏色倍常好能爲百日紅令我開懷抱  
月時亦見雪花白何但深山冰六月厚千尺  
地花臺山雨後摘雲中近五臺餘馨滿山澤  
多穴居雞樓反升屋牛羊住上窰人在下窰宿  
枝頭結酸酸亦可憐兒童著意採不忍道旁捐  
靈邱卽事五絕

何士震

春暮臨荒臺瞥見新草色離人三月心躑躅還嘆息  
江南楊柳枝春風繫行客塞北惟槎枒穀雨穉始白  
占歲喜春晴此地偏宜雪願得雪盈尺糲糜飽稚耄

有花亦無香芍藥遂奇絕馥馥翻堦時多是天中節  
男歲不製衣女歲不絰織堵墅六月三傾囊售百億

鳳山書院十二詠

并序

桂敬順

書院前明州人孫司務聰所建蹟廢已久谿石猶存然  
撫今追往流風自在又不繫乎蹟之存亡也爰賦詩以

述著名之意

鳳來山中鳴鳳去山以寂不見亭中人斜陽挂蘿壁

鳳鳴亭

飛鳥破山色空翠墮巖雨杳然聞磬聲松檐竄蒼鼠

翠微樓

明月在天上流光輝我軒捲簾坐遙夜所得是無言

得月軒

讀書秋圃聞秋心屏閒慮黃蝶漫相過香在無花處

秋香圃

鑿石構石室幽閤前  
筆白雲垂孤巖秋光照古漆  
藏書窟

古洞白雲封山月東巖起松籟  
和樵歌琴聲在流水  
鼓琴洞

昔人聊寄與人去有餘情  
葉侈空臺響猶疑落子聲  
奕棋臺

山居復釣溪無餌亦可喜  
游魚乃竊聽先生讀莊子  
釣魚磯

碧竇何璣瓏塵跡屏離  
齟乃笑箕山公在被巢  
用濁  
碧水

彩雲如處子顏色常新鮮  
將毋媧黃氏煉石留空烟  
彩雲巖

碧波隱紅鱗可見不可得  
曾傍臨池人屬爾漬餘黑  
金魚塘

蓮性亦何芳花殘葉自香  
從君製衣服不肯蓋鴛鴦  
瑞蓮池

恒山詩十一首

張五典

水月搖戒壇嵐烟浮坐具  
遍地金蓮花依依拱扶住  
懸空持

版屋跨溪流水磨自廻轉秋漲來無時山南築石堰苑水

上有千仞岡下有百尺澗行人出復沒冰雪連雲積盤道

仙人在何許可望不可即行行采茯苓相見會相識望仙亭

清曉入山來支筇此延佇夜雨冥冥人歸把兩炬虎風口

涇涇清瑤流滴殘色未改且暮五百年物食亦可待石脂

但來對空枰與度千百劫廻看四山中穠花復黃葉琴棋臺

空響本無樹樵斧霜林外聞根近已斷入耳祗天籟空響樹

安禪老衲子雪巖敞石竇木客解吟詩寒燈許來就護門草

共說無常住飛去挾風雷移文試相問何日又飛來飛石窟

山頭過片雲殘日翳復吐樵子暮歸來方知山下雨夕陽

欲問通元谷悵望白雲岑細路荆榛合蹙然少足音

通元谷

春暮府庠讀文徵明石刻長句會遊東郭即景賦詩

因集字為二絕

邢纘祖

晚雨千林濕春濤萬頃明遠山雲半隱宛轉隔層城

春深風雨時澗流浸萬壑我欲身遊處青山盤雲落

宿綉女村

朱梅

征途倦行役一抹晚山痕借問宿何處前村綉女村

自登懷古二首

文光

振衣小白登落日前山暮欲覓漢高圍茫茫墮烟霧

興廢前朝事臺荒鹿苑空惟餘衰草白懷古意何窮

七言絕

唐

渡桑乾河

雍陶

南客豈曾諳塞北年年唯見鴈飛回今朝忽渡桑乾水不似身來似夢來

渡桑乾河

賈島

客舍并州已年霜歸心日夜憶咸陽無端更渡桑乾水却望并州是故鄉

摩笄山

胡曾

春草綿綿代日橫山邊立馬看摩笄黃鶯也解道前車來

向夫人莊

金  
八月十五日過泥河見鴈

王庭筠

家在孤雲落照間  
行人已上鴈門關  
憑君爲報平安信  
才  
是雲中第一山

北園

劉從益

碧梧斜影落匡牀  
白葛烏巾滿意涼  
宴坐不知紅日晚  
筍  
輿歸路麥花香

西京道中

蔡松年

來時綠水稻如鍼  
歸日青梢沒鶴深  
莫忘共山買田約  
藕  
花相間柳陰陰

山陰縣

史肅

湧雲驅雨不成霖  
山徑危行未要深  
午夢初回烏鳥樂  
小亭斜日柳陰陰

過鴈門關一絕

元好問

雞聲未動發南樓  
澗水隨人向北流  
欲望讀書山遠近  
鴈門關上懶回頭

稜層石磴倚高梯  
穹谷無人綠樹齊  
總爲古來征戍苦  
宿雲常傍塞垣低

題金鳳堽

前人

此地曾云海眼開  
古今人喜暢奇哉  
料應丹穴相穿透  
飛

出擎天金鳳來



題龍泉寺

前人

遠渠寒溜夜潺潺說有蛟龍在此間可惜九天霖雨物一  
滋何事件僧閑

三岡四鎮

前人

南北東西俱有名三岡四鎮護金城古來險阻邊陲地威  
鎮遐方萬里驚

沙陀晚行

曹之謙

野曠天晴落日黃西風衰草白茫茫臨邊四望行人絕惟  
見孤雲逐鴈行

自題小齋

雷發

陋室從堪陋巷居寄情吾亦愛吾廬看山破費工夫外一  
炷青香著易書

元  
雲中暮雨

段成己

古壘雲藏一徑微河山依舊昔人非貪徵往古興亡事不  
覺城頭雨濕衣

題李晉王墓

李俊民

雄名凜凜震沙陀為國功深奈老何多少三垂岡上恨伶  
人那進百年歌

明  
雙化嶺

王達善

樺樹亭亭立澗隈兩僧遺跡已成灰夜深風響巖前葉疑

是<sup>能</sup>筇步月來

渡桑乾

前人

三月清冰潔似銀黃沙兩岸不知津可憐一片無情地水亦年年解渡人

春暮石牆堦送別

岳可

客裏攜樽坐水涯竹籬茅舍兩三家春光莫道違城少也  
有沙堤幾樹花

西巖寺南園

朱統麟

寶地新開一徑斜橫窓修竹映桃花攜壺自汲東林水玉  
碗閒烹綠乳茶

題南堂寺

左 鉉

南堂福地足遊遊  
住此烟霞勢利休  
一自高僧辭去後  
空餘餽篋野花秋

雲中守歲

前 入

守歲雲中剪燭花  
坐殘更漏興猶賒  
土牛明日開華節  
春滿雲中十萬家

行邊

方 日 乾

山城禾稼萬家秋  
豐葦斜陽飽臥牛  
野老不愁烽火警  
預修春糴理春疇

國朝 望應州塔

魏象樞

十里烟雲一望通  
浮圖如削插長空  
何年種得菩提子  
幻出金蓮大地中

題大同觀音寺梅二首

徐化溥

誰把羅浮向此移  
清芬禪味兩相宜  
便當攜手趙松雪  
來訪中虛百韻詩

晚瀉軍持灌玉芳  
蚤傳春信到禪房  
絕塵應少繁花色  
入定偏來自在香

千穗穀

杜登春

紅酣紫艷鬪芳辰  
千穗名傳穀粒勻  
剪去作羹柔滑甚  
秋來何必更思尊

琴棋臺

劉仕偉

琴棋臺畔已榛荒  
琴韻棋聲兩渺茫  
羅列諸峰鳴澗水  
楸枰布置五絃傍

復至下華嚴寺

前人

城上寒鴉入暮曛  
萬家烟火氣細縕  
歸來仍到華嚴寺  
帶得方山一片雲

太白祠

鄧贊清

磁窑峽口影迷離  
太白仙桐枕碧溪  
爲拂壯觀崖上字  
曠懷知與白雲齊

將抵大同途次口占

宋德壽

路入雲中似仰梯，碧天無際馬頻嘶。  
分明望裏前山峻，及至前山山又低。

守歲吟

朱建豐

歲守華燈廿載前，一編蟬蠹舊因緣。  
當筵爲溯重來迹，屈指雲中又十年。

金城元夕二首

錢棨

蒲桃香泛夜光杯，簾幙春燈新樣裁。  
疑是珠宮擎蕊榜，有人題柱月中來。

麴塵細細蹴金堤，賽女鬢童小隊齊。  
春信江南何處好，今宵忽度鴈門西。

過桑乾渡

俞治

三晉雲山北向多  
十年浪迹度沙陀  
自憐南國孤飛鴈  
又到桑乾渡口河

雲中九月

前人

重陽時節好題糕  
客裏逢場亦自豪  
縱目雲中山第一  
望鄉臺上未為高



大同府志卷之三十二

大同府知府吳輔宏纂輯

雜志

昔劉向錄西京事文無前後之次故稱雜記厥後雜纂  
雜俎雜錄雜編之作轉相祖述非盡小說者流也夫稗  
官委巷言近怪迂細碎而稱說風俗君子亦時有取焉  
唐封氏見聞記志人物地里而終之以雜事余因博采  
衆說以資叢談備洽聞其文見正史而無所附類者並  
綴於篇爲雜志

維元祀巡守四岳壇四奧沉四海封十有二山肇十有二

州樂正定樂名冬祀幽都宏山賁兩伯之樂焉北岳冬

伯之樂舞齊落其歌聲比小謠名曰縵縵和伯之樂舞

其歌聲比中謠

尚書  
大傳

漢文帝自代還有良馬九匹浮雲赤電絕羣逸驃紫鸞騮

綠螭驄龍子麟駒絕塵號九逸

西京  
雜記

雁門范隆與上黨朱紀友善嘗共紀遊山見一父老於窮

澗之濱父老曰二公何為在此范隆等拜之仰視則不

見後仕劉元海並封公

晉書

并代人喜嗜麪切以吳刀淘以洛酒漆斗貯之擊鼓集老

幼自以多寡取之至飽

河東  
備錄

李賀以歌詩謁韓吏部時爲國子博士分司送客歸極園  
門人呈卷解帶旋讀之首篇鴈門太守行曰黑雲壓城

城欲摧甲光向日金鱗開却授帶命邀之

讀書  
偶見

宋淳化二年命畢士安爲翰林學士士安以父名又林抗

章引避朝議謂二名不偏諱不聽

宋史

靈邱陸萬友始業丐饒既貴達不忘本以銀爲丐饒器數

十事示子孫

厚德錄

蘇東坡守定州得石於恒山黑質白章狀如雪浪鑿石盆

爲芙蓉形以盛之刻銘於上今在定州文廟前

恒嶽志

金初製國字立學官於西京納合椿年興諸部兒童俱入

學最號警悟久之選諸學生送京師俾上京教授耶魯

教之金史

大定四年正月戊子上謂侍臣曰秦玉宗翰有功於國何

乃無嗣皆未知所對上曰朕嘗聞宗翰在西京坑殺千

人得非其報耶金史

中貴可思不花奏採金銀役夫及種田西域與栽蒲萄戶

帝令於西京宣德徙萬餘戶充之耶律楚材曰先帝遺

詔山後民質樸無異國人緩急可用不宜輕動今將征

河南請無殘民以給此役帝可其奏元史

後王之母都人也先是太祖嘗戰敗而奔殺王母家王母

曰汝朱某助人言汝當爲天子也因畱之宿及旦辭去  
王母曰吾後有娠何如帝乃貽徹梳爲質王母亦以匣  
中裝贈行自是果娠及太祖卽位子且長矣王母攜其  
子及質物上謁帝令工部草創水宇居之不令入宮及  
代府旣成遂分封焉故王卒得終養其母踰於常制剪勝

野聞

張德輝元裕之季治游封龍山時人號爲龍山三老元詩序

正德十一年應州奏捷上降敕總督軍務威武大將軍總

兵官朱壽有功宜特加公爵制下舉朝大駭

孤樹裏談

朱俊格靈邱王聰瀟子壽屬文聚書數萬卷尤好古篆籀

墨蹟手摹六十餘種勒石名崇理帖世宗時獻王儲明

堂二頌興獻帝后挽歌賜金帛著天津集若干卷

列朝詩序

鴈北歸必銜蘆越關則輸之淮南子以為鴈愛氣力銜蘆

以避矰繳俗傳以為過海投蘆為桴以息氣力或云輸

蘆以供稅供稅之說誕矣過海為桴之說何秋來獨無

而春始蘆耶蘆避矰繳之說不知來時何以為避且使

上林射鴈蘆何能避耶予考鴈從風而飛春夏南風故

北飛秋冬朔風故南飛秋冬過南食肥體重故借蘆以

助風力耳塞北風高則無事此故投於鴈門關姑識之

推蓬

寤語

大同失總兵官所佩征西前將軍印職方請給新印鄭端  
簡時爲主事白郎中總兵印文柳葉篆請改印文或稱  
別將軍或增減其字恐原印有獲之者有事行文奏報  
真僞不可辨誤事非小往年胡忠安公在禮部失行禮  
部之印改鑄行禮部印此在內衙門尙然况邊鎮兵權

乎郎中不以爲然

鄭曉  
今言

西陵董氏少玉麻城周宏禴之繼室也宏禴字元孚抗疏  
兩遭貶謫間關萬里少玉皆共之貶鴈門阮於靈邱廣  
昌間三日不火食僮僕皆悲泣少玉哦詩自如年二十  
有九羸卒嘗笑謂元孚曰妾幸而爲君婦得少知詩亦

不幸而為君婦即有一二佳句而人必以為出君手王

元美序其詩稿

列朝詩序

嘉禾曹秋岳溶備兵陽和時嘗至昭君墓墓無草木遠而

望之冥濛作黛色古云青塚長然墓前石篆刻蒙古書

先學考釋最詳撮數紙歸

北嶽有五別名蘭臺府列女富華陽臺靈臺太乙宮釋家

謂之青峯燁道家謂之總元洞天太乙洞天金城福地

山一名大茂山又名神尖山

括地志

北嶽恒山在大同府渾源州天涯崆峒二山為副岳神姓

晨諱寧主世界江淮河海兼四足負荷之類

五岳真形圖



恒山有草名神護置之門上每夜叱人

神農本草

恒山有太元之泉神草一十九種服之可度世

輿地覽

恒山有蛇名曰率然一身兩頭擊其一則一頭至擊其中

則兩頭俱至

孫武子

太祖還代京次于恒嶺親登山頂撫慰新民適遇黃門侍

郎崔元伯扶老母登嶺太祖嘉之賜以牛米因詔諸從

人不能自進者給以車牛

魏書

真定人楊洪裕少時嘗漁於貂裘陂忽有馳騎至者以二

石燕投洪裕一翼掩左一翼掩右曰北嶽使者也言訖

忽不見是年生後周太祖楊淑妃明年生太尉廷璋家

遂昌盛

宋史

山陰縣忠州故城西北隅有石大如屏厚三寸色如肝細

文每石鳴則風起上有草書模糊莫辨縣民殷某以甃

臥炕夜有聲如吼懼而昇還原所覆以小祠祀風神

舊府志

志

山陰縣辛寨村南龍王廟有芍藥一叢每歲開花十五莖

色各不同僧折其一將供佛花隨手萎俄而故處復開

一花人咸異之傳為龍王神芍云

舊府志

廣靈人李某凌虐其母一日牧牛山中龍攬而去有頃白

空擲下骨肉如泥見者駭焉

廣靈志

鄧雲峯者不知何代人常採藥靈邱之南山往來有年樵  
牧時遇之與語無他奇一日尸解去遂於其地建寺名

鄧峯

靈邱縣志

靈邱北有聖佛津洞谷幽邃人跡罕至村民即壽奎擔薪

過此見二叟對弈洞口狀甚古因畱觀少頃歸則茅舍

民墟此鄉嘗辨故識計其時蓋閱數世矣遂棄家雲遊

不知所終

靈邱縣志

太白山每陰晦時常見雲霧中樓閣岩巖儼如廣利隱隱

有無杳不可卽土人謂之天堂寺

靈邱縣志

明宣德二年冬有馮姓採樵於盆山見三仙弈於泉西之

石坪一衣黃一綠一紅半采舂舂異旁觀良久一仙曰而  
可速去不聞爛柯事乎歸報爾守此地多建祠宇為神  
仙遊息之地馮歸報守急往視遙見三仙跨鶴鹿而起

今石上足跡猶存

天鎮縣志

明永樂間有農婦患乳三年將死適有老僧踵門乞食家  
人叱斥之僧曰患乳者不欲生乎何叱醫者家人急延  
入講方曰搗黃瓜根覆患處即愈家人進取錢米酬之  
已不知所往後婦果愈壽至九十八事載平湖陸浦塞

霜集陸之先人嘗官於州云

渾源州志

天鎮縣真武廟碑相傳嘗捍衛攻城至今碑陰猶有袍子

痕天鎮縣志

順治八年天鎮上下陰山二村界有赤光從天入地土人

發之得碧石一塊形如紗帽上有蝌蚪文人莫能識今

存上陰山龍王廟天鎮縣志

太祖田于白登山見熊將數子顧謂冠軍于栗磻曰卿勇

幹如此寧能搏之乎對曰天地之性人爲貴若搏之不

勝豈不虛斃一壯士自可驅致御前坐而致之尋皆擒

獲魏書

太宗出遊於白登山東北內將軍都將元幹以騎從有雙

鷗飛鳴於上太宗命左右射莫能中幹自請射之以二

箭下雙鷗太宗嘉之賜御馬弓矢金帶以旌其能軍中

號雙鷗都將魏書

太和元年十月南部尚書鄧宗慶奏民李飛王顯前詣京

南山採藥到遊越谷南嶺下見青碧石柱數百枚長者

一匹相接而上或方一尺二寸或方一尺方楞悉就請

付作曹採用奏可時人神異之魏書

天興中儀曹郎董謐獻服食仙經數十篇於是置仙人博

士立仙坊煮鍊石藥封西山以供其薪蒸魏書

高允年九十八被召在方山作頌志氣猶不多損談說舊

事了無所遺魏書

宋使劉纘指方山曰此山去燕然遠近主客令李安世曰

亦猶石頭之與番禺耳

魏書

太宗嘗獵於灑南乘冰而濟冰陷沒馬王洛兒投水奉太

宗出岸水沒洛兒殆將凍死太宗解衣以賜之

魏書

朱文公嘗與客談世俗風水之說因曰冀州好一風水雲

中諸山來龍也雷嶽者青龍也華山白虎也嵩山案也

淮南諸山案外山也

賓退錄

魯元侯結從者百餘騎迎中山仇洛齊於桑乾河是後魏

朝貴送迎以桑乾河為限也

魏書

魏出帝時楊遵彥就鴈門溫湯療疾棄衣冠於水濱若自

沉者變易姓名自稱劉士安入嵩山又東人田橫島以

講誦為業海隅謂之劉先生

北齊書

延昌三年秋恒州上言白登山有銀鑛八石得銀七兩錫

三百餘斤其色潔白有踰上品詔置銀冶常令採鑄

魏書

姚天福仕懷世為縣吏元世祖以太弟駐白登公從縣以

進蒲萄酒見而奇之畱侍宿衛

寺木魯神姚公神道碑

明嘉靖間上用北嶽芝草真定守臣求於曲陽縣恒山不

獲上言古北嶽在山西大同府渾源州請下彼處求之

乃勅守臣登岳廟齋宿祭告果得真芝十二本狀如雲

錦宋篋採取元芝龍



予爲中山守始食北嶽松膏爲天下冠其木理堅密瘠而

不瘁信植物之英烈也

蘇軾偃松屏贊

代出狐白之皮裘應陰陽之變六月而一見

管子

昔者靈邱丈人之養蜂也園有廬廬有守刳木以爲蜂之

宮其置也疎密有行新舊有次坐有方牖有鄉視其生

息調其暄寒以鞏其架構如其生發蕃則析之寡則哀

之不使有二王也去其蛛蠹蚍蜉獮其土蜂蠅豹夏無

烈日冬不凝澌飄風吹而不搖淋雨沃而不漬其取蜜

也分其羸而已矣不竭其力也丈人於是不出戶而收

其利

郁離子

康熙四十六年陽曲縣民高宏化等勾黨叩 闕指稱太

原等處有金銀銅礦是年九月戶部會同山西巡撫布

政司赴應州開挖無驗奉

旨將高宏化議罪發落礦洞永行封塞

應州續志

山西地寒六月初旬五臺嶺頭澗底層冰積雪皚皚尙衣

薄棉陳伯安兵備代州言北上鴈門至應州歷雲中更

寒然煖木實產其間此陰中陽也

陸深燕閒錄

高宗興安元年詔有司為石像令如帝身既成顏上足下

各有黑石冥同帝體上下黑子論者以為純誠所致

魏書

大定間上幸西京州縣官入見猛安謀克不得隨班右諫

議大夫移刺子敬奏軍民一體合令猛安謀克隨入見

上嘉納之

金史

方士祁纘奏改代爲萬年司徒崔浩議曰昔太祖道武皇帝應天受命開拓洪業諸所制置無不循古以始封代土後稱爲魏故代魏兼用猶彼殷商國家積德著在國史當享萬億不待假名以爲益也纘之所聞皆非正義

世祖從之

魏書

王肅曾於省中詠悲平城詩云悲平城驅馬入雲中陰山常晦雪荒松無罷風彭城王勰甚嗟其美欲使肅更詠乃失語云王公吟詠情性聲律殊佳可便爲誦悲彭城

詩肅因戲勰云何意悲平城為悲彭城也勰有慙色祖  
瑩在座卽云所有悲彭城王公自未見耳肅云可為誦  
之瑩應聲云悲彭城楚歌四面起屍積石梁亭血流睢  
水裏肅甚嗟賞之勰退謂瑩曰卿定是神口今日若不  
得卿幾為吳子所屈

魏書

桓帝英傑魁岸馬不能勝常乘安車駕大牛牛角容一石

帝胃中蠱歐吐之地仍生榆木參合陂土無榆樹故世

人異之

魏書

道武生於參合陂北保者以帝體重倍於常見竊獨奇怪

明年有榆生於埋胞之坎後遂成林

魏書

元萇性剛毅雖有吉慶事未嘗開口而笑高祖遷都萇以  
代尹畱鎮因別賜萇酒雖拜飲而顏色不泰高祖曰聞  
公一生不笑今方隔山當爲朕笑竟不能得高祖曰五  
行之氣偏有所不入六合之間亦何事不有左右見者  
無不扼腕大笑

魏書

太和申廣川王元諧薨有司奏王如薨於代京未審以新  
尊從於卑舊爲宜卑舊來就新尊詔曰遷洛之人自茲  
厥後悉可歸骸卹嶺皆不得就塋恒代其有夫先葬在  
北婦今喪在南婦人從夫宜還代葬若欲移父就母亦  
得任之其有妻墳於恒代夫死於洛不得以尊就卑欲

移母就父宜亦從之若異葬亦從之若不在葬限身在

代喪葬之彼此皆得任之其尸屬恒燕身官京洛去匪

之宜亦從所擇魏書

後魏代都明堂李冲所造三三相重合為九室簷不覆基

房間通街穿鑿處多迄無可取隋書

太武時六月氏國人商販京師自云能鑄石為五色琉璃

於是採礦山中於京師鑄之既成光澤乃美於西來者

乃詔為行殿容百餘人光色映徹見者莫不驚駭以為

神明所作自此琉璃遂賤人不復珍之魏書

北嶽恒山晉神性登名僧呼之令人不病北嶽恒山將軍

姓莫名惠存之却百邪河圖

明嘉靖三年鎮兵戕撫臣張文錦而叛也謀戴代懿王而  
弄潢池焉王以死拒之昭王方為世子亦竭力拒叛朝  
廷勅諭褒嘉已王薨世子立為王踰數年而叛黨未靖  
王福勝復戕鎮臣李瑾以叛王恐擁已微服出城欲自  
歸闕下左右諫以擅離信封王曰別嫌明微乃在斯舉  
行至上谷韓邦奇方為撫臣留王毋行奏聞上為璽書  
慰諭焉福勝等遍求王不得卒以次伏誅難定王乃歸  
國若二王者可謂世篤忠貞矣而昭王之忠而智尤足

多也舊府志

嘉靖十三年代宗人成鏐上言雲中叛卒之變幸獲消弭  
究其覺端實貪酷官吏激成之臣慮天下之禍隱於民  
心異日不獨雲中而已指陳切直萬歷二十四年西夏  
弗寧山陰王俊柵奏詩八章寓規諷之旨代處塞上諸  
宗海經禍亂其言皆憂深思遠有中朝士大夫所不及  
者

明史

由吾道榮少好道法與其同類相求晉陽人某大明法術  
乃尋是人爲其家庸力無識之者久乃訪知其人道家  
符水禁呪陰陽法數天文藥性無不通解以道榮好尚  
乃悉授之是人謂道榮云我本恒嶽仙人有少罪過爲



天官所謫今限滿將歸卿宜送吾至汾水及河值水暴  
長橋壞船渡艱難是人乃以一符投水中流便絕俄頃  
水積將至天是人徐自沙石上渡惟道榮見之

北齊書

吳遵世少學易入恒山忽見一老翁謂之云授君開心符

遵世跪取吞之遂明占候

北齊書

明嘉靖間大同一婦分娩後不食不言癡坐井上汲水飲  
之三日盡百桶而鯨吸不已其夫素病驚駭頓絕里人  
以爲妖埋之土中僅露其首數日不死適築牆置之牆  
內又不死衆以爲神昇至土地祠拜焉官聞而下之獄  
兩目睜睜氣息如生官命以薪爇之未幾王和兒戕帥

之禍作 湖海搜奇

後魏道武帝始於平城立大學置五經博士生員千餘人

天興二年增國子太學生員三千人帝問博士李先曰

天下何物最善可以益人神智對曰書籍帝曰書籍凡

有幾何如何可集對曰自書契以來世有滋益以至於

今不可勝計苟人主所好何憂不集帝從之命郡縣大

索書籍送平城 文獻通考

于慎行王文端公傳韓淑人嘉靖丙申閏十二月二日生

公夢雲間仙仗擁送玉童下止其室知其貴徵也 王文端公

家傳

明宏治辛酉和順縣一糧戶往布政司取通關夜宿廟傍  
公寓忽夢隨縣尹至一宮闕金書會議府三字見全省  
府州縣正官皆集堂上坐一尊官大同平陽太原三知  
府上坐澤潞汾沁遼五知州前席其餘知州知縣以次  
列坐俄有符使齎文一通置案衆曰天降山西秋榜至  
矣開榜傍一官唱名曰第一名李翰臣大同府學生知  
府知縣皆起應曰其人孝友多爲人方便至第六名陳  
桂和順縣學生知縣應曰其人事繼母能孝至三十四  
名縣官應曰其人舉放私債迫死二人命中坐者舉筆  
名下一义至四十一名縣官應曰其人不孝且逐其弟

爲人傭中坐又舉筆一又至五十九名縣官應曰其人

曾姦良家婦中坐者又舉筆一又至六十一名縣官應

曰其人捏寫詞訟害者凡幾家死者凡幾家中坐又舉

筆一大文唱名畢中坐者曰衆位可各舉所知凡二十

五人中坐者擇九人呼寫本者快寫訖上奏糧戶醒而

黜記之次日布政司領通關至盤陀驛遇陳桂報曰公

今年中第六名矣因述其事及揭榜解元果大同李翰

臣第六果和順陳桂也餘皆如所夢噫天榜定矣而忽

有那移不定可不畏哉

山西通志